

# Vuk'uzenzele



Produced by Government Communications (GCIS)

English/Sesotho

July Edition 2

## Stop initiation deaths!




Cont.  
Page 2



**Life-saving drone takes flight**

**Page 9**



**Ndlovu Youth Choir inspires the nation**

**Page 16**



ALSO AVAILABLE ON:



@VukuzenzeleNews



Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

FREE COPY

**FREE COPY NOT FOR SALE**

# Merero Ya Batjha

## Ho nehelana batjha ba hloakang mesebetsi tshepo

**LEKALA LA MMUSO** le shebanang le ho lwantshana le diphephetso tse tobaneng le batjha ba naha le tsamaisa mananeo a mmalwa a ikemiseditseng ho nehela batjha monyetla wa ho itwanela.

### Silusapho Nyanda

**L**ondiwe Mbatsane, eo e leng mokwetlisi wa boitsebelo wa mokgatlo o sa etseng phaello wa Grass-root Soccer, o ne a sa kgone ho fumana mosebetsi ka nako ya dilemo tse pedi pele Kemedi ya Lekgotla la Ntshetsopele la Batjha (NYDA) e mo atolosetsa monyetla wa mosebetsi.

Motjha enwa ya dilemo tse 24 o itse ka ho mo thusa ho fumana mosebetsi, NYDA e kgonne ho mo thusa ho thusa mme wa hae ya sa sebetseng.

Mbatsane, ka mora ho utlwela ka lenaneo la NYDA la ho kenya batjha mesebetsing ho motswalle wa hae, o ile a imeila CV ya hae le setifikeiti sa materiki lekgotleng lena. Moahi enwa wa Hazyview o itse o rometse ditokomane tsa



■ Ka lebaka la Lenaneo la Ho Kenya Batjha Mosebetsing la NYDA Londiwe Mbatsane o se a sebetsa jwale.

hae maqalong a selemo sena ka Pherekong mme mafelong a Hlakola, ke ha a qala mesebetsing wa hae o motjha.

“Ke ile ka romela CV ya ka le setifikeiti sa ka sa materiki empa ke ne ke tshaba hore ha ba tlo

ntsetsa hobane ba ne ba batla motho ya nang le lengolo la materiki mme ke ne ke ena le mangolo a tlatsetso a mang a dithuto tse phahameng,” o rialo.

A kenyeletsa Diploma ya Human Resources ho tswa Stanford

International College le la Diploma ya Business Management ho tswa Tshwane South TVET College, ao e leng hore bobedi ha a ka a mo thusa ho fumana mosebetsi pele NYDA e kena dipakeng.

Lenaneo la ho kenya batjha mesebetsing le ikemiseditse ho hokahantsha batjha ba nang le boitsebelo le ba senang boitsebelo, ba dilemo tse sa feteng 35, le mesebetsi dikgwebong tse nang le dikgeo tsa mesebetsi.

Lenaneo lena le boela le thusa batjha ho fumana boitsebelo bo hlokehang ka lenaneo la boikwetliso ba ho itokisetsa mosebetsi. Lenaneo lena le totobatsa ho kwetlisa batjha ba senang boitsebelo mabapi le mmaraka wa mosebetsi.

Batjha ba tlameha ho sebedisa monyetla ena e nehelwang ke

NYDA, ho rialo Mbatsane. NYDA e na le mananeo a mmalwa a shebanang le ho kenya batjha ba batlang mesebetsi dikgeong tsa mesebetsi tse tshwanetseng. A kenyeletsa Pearson Job Seekers Opportunity mmoho le Lenaneo la Ditshebeletso tsa Naha tsa Batjha.

Batjha ba nang le kgahleho ya ho nka karolo mananeong ana ba ka romela di-CV tsa bona ho NYDA ka imeile kapa ba di isa dikantorong tsa NYDA.

Lekgotla lena le tla boloka dintlha tsa batho ba batlang mesebetsi direktong tsa lona pele le ba batlela bahiri ba batlang le boitsebelo ba bona bo itseng. ■

**Ikopantshe le NYDA ka ho letsetsa 0800 52 52 52 kapa ka ho romela imeile ho [info@nyda.gov.za](mailto:info@nyda.gov.za).**

## Ho lwantshana le phephetso ya batjha ya ho hloka mesebetsi

### Dale Hes

**M**okgatlo o sebetse tsanang le batjha wa Lulaway o shebane haholoholo le phephetso ya batjha ya ho hloka mesebetsi ka mora hore o bebofatse phumano ya mesebetsi le monyetla ya borupellwa ho batjha ba fetang 30 000.

Ka ho sebedisana mmoho le mmuso, mekgatlo e sa etseng phaello le lekala la poraefete, Lulaway e thehile ditse tsa mesebetsi tse fetang 200 diprofenseng tse robong kaofela.

Mane Bellville, Leano la Ntshetsopele ya Tshebetso la Lulaway – le tshetswang ka matlole ke Toropo ya Motse Kapa – le tsamaisa lenaneo la

boikwetliso la dilemo tse tharo ho thusa batjha ba batlang ho itokisetsa lefatshe la mesebetsi.

Ho tloha ka 2011, mokgatlo ona o ngoditse batjha ba fetang 516 149 sesiung sa batho ba batlang mesebetsi, o kwetlitsitse ba 5 472 le ho kenya ba 2 968 mesebetsing ya meshwelella, ho tloha ho mesebetsi ya tsamaiso, ho ya ho ya kakaretso, tshireletso, thekiso le tshebetso ya ditse tsa boikopantsho.

E mong ya unneng molemo ke Beauty Mnxulu (26), ya dulang lekeisheneng la Khayelitsha. Ka mora dilemo tse nne tse telele a ntse a sokola ho fumana mosebetsi, Mnxulu o ile a ingodisa lenaneong la ho itokisetsa mosebetsi. Ha jwale o sebetsa kemediing ya kgiro ya Fidelity.

“Ha ke ne ke ya boikwetlisong

ba mesebetsi, seno e ne eka toro ya ka e ya phethahala hobane batho ba nang ba re kwetlisa ba ne ba re kwetlisa ka lerato. Ke ile ka tseba hore bo tla nthusa ho fumana mosebetsi mme e se kgale, ke ile ka fumana mosebetsi. Ke kopana le batho ba fapaneng letsatsi le letsatsi; batho ba sokolang ho fumana mosebetsi empa ke ikemiseditse ho ba thusa. Ka lebaka la seo ke ileng ka se rutwa ke batho ba Lulaway, ke etsa mosebetsi wa ka ka lerato mme ke rata seo ke se etsang,” ho rialo Mnxulu.

Moahi e mong hape wa Khayelitsha, Zikhona Yeko (24) le yena o ile a sokola ho fumana mosebetsi empa ka mora ho nka karolo lenaneong, o se a sebetsa jwale ka moemedi wa dithekiso wa Cell C.



■ Lulaway e kentse batjha ba fetang 30 000 Afrika Borwa menyetleng ya mesebetsi le borupellwa.

“Diphephetso tse ke ileng ka tobana le tsona ke karolo ya katleho ya ka hobane di nkentse ke be matla,” ho rialo Yeko.

Setho sa toropo sa komiti ya majoro ya monyetla ya moruo, James Vos, o itse lenaneo lena ke pale ya katleho e bontshang ka mokgwa oo ho sebedisana le balekane ho ka hlohang diphephetso tsa ho hloka mesebetsi. ■

**Batjha ba batlang ho ingodisa le Lulaway ba ka iketsetsa profaele ya motheo ho <https://www.lulaway.co.za/register/> mme ba ye ho setsi sa mesebetsi se haufinyana ho phethela kopo ya mesebetsi le ditekanyetso.**